

光緒山西通志

山川考十一 考二之十一 山西通志第四十一

賜進士出身頭品頂戴兵部侍郎兼都察院右副都御史巡撫山西提督軍務臣張煦奏

旨監修

入汾四水

晉水  
文水

洞過水  
瀋水

涑水

姚暹渠  
豐池

五姓湖

晉水出太原縣西南懸甕山

方輿紀要山在縣西南十里一名龍山晉水所出山腹有  
巨石如甕水出其中亦曰汲甕山又曰結緡山水經注懸  
甕之山晉水出焉案此乃臨注  
引山海經語志云縣西八里爲龍山又  
一里爲懸甕山皆晉水所出也

太原縣志山下二泉北曰善利南曰難老疏爲二池南  
曰大池流經奉聖寺前名流杯池北曰八角池

自源出晉祠分爲三瀆中瀆復歧流爲二

元和志晉祠一名王祠周唐叔虞祠也水經注昔智伯遏  
晉水灌晉陽城不沒者三版後人踵其遺蹟蓄以爲沼沼  
水分爲二派其北瀆卽智氏故渠也其瀆乘高東北注入  
晉陽城以周灌溉東南出城注入汾水其南瀆於石塘下  
伏流東南出晉陽城南又東南入於汾今案晉水初泉出  
處砌石爲塘自塘東分爲三派其北一派名智伯渠東北  
流入城中出城入汾水其次派東流經晉澤南又東流入  
汾水此二派卽酈道元所言分爲二派者也其南派隋開  
皇四年開東南流入汾水

寰宇記隋圖經云晉澤在晉陽縣西南六里開皇六年引  
晉水溉稻田周迴四十一畝方輿紀要臺駘澤在縣南十  
里卽晉澤也舊爲晉水匯流  
處蒲魚所晉渠在太原縣西一里西自晉陽縣界流入汾  
水今廢

東地多鹹鹵井不堪食貞觀十三年長史英國公李勣乃於汾河之上引決晉渠入縣經廩又西流入於汾水

方輿紀要後漢元初三年修理太原舊溝瀆灌溉公私田謂晉水也宋熙寧八年太原人史守一修晉祠水利溉田六百有餘頃以晉水源出祠下也

舊通志晉水分爲三河北派流經北神橋入安仁賢輔古城金勝等村爲北河卽智伯過水以灌城者名智伯渠唐貞觀中長史李勣架汾水東引令民汲飲後名晉渠今廢中派入大池流經南神橋晉源都東莊爲中河又一派爲陸堡河流入大寺等村南派流入索村等地爲南河晉總匯於清水河其北渠舊引入縣城今渠存而水不行

案唐太原縣在汾東其入城之渠乃駕橋汾上爲之固已久廢今城本晉陽縣之南關也

自明以來未聞引水入城而北渠所徑之羅城古城實  
為晉陽故縣謂渠存而水不行未知何指又案晉水  
四河漑田二十八村北河十二村中河  
七村陸堡河四村南河五村詳見水利

東南流入於汾

方輿紀要汾水南流與晉水會西南入清源界或謂之南  
川以流經太原之南也石晉開運三年契丹分軍自土門  
西入河東軍於南川

舊通志晉水東至縣南十五里南張村入汾河

唐太宗晉祠銘并序夫興邦建國資懿親以作輔分珪  
錫社寶茂德之攸居非親無以隆基非德無以啟化是  
知功侔分陝奕葉之慶彌彰道洽留棠傳芳之跡斯在  
惟神誕靈周室降德鄴都疏派天潢分枝璇極經仁緯  
義履順居貞揭日月以爲躬麗高明之質括滄溟而爲

景體宏潤之資德乃民宗望爲國範故能協隆鼎祚贊  
七百之洪基光啟維城開一匡之霸業既而古今革運  
舟壑潛遷雖地盡三分而餘風未泯世移千祀而遺烈  
猶存元化曠而無名神理幽而靡究故歆祠利禱若存  
若亡濟世匡民如顯如晦臨汾川而降祉構仁知以棲  
神金闕九層鄙蓬萊之已陋玉樓千仞恥崑閩之非奇  
落月底於柱筵流星起於珠樹若夫崇山互峙巨鎮參  
墟襟帶邊方標臨朔土懸崖百丈蔽日虧紅絕嶺千尋  
橫天聳翠霞無棧而散錦峰非水而開蓮石徑流輝孤  
巖宵朗松蘿曳影重谿晝昏碧霧紫煙鬱古今之色元  
霜絳雪皎冬夏之光其施惠也則和風溽露是生油雲  
膏雨斯起其至仁也則霓裳鶴蓋息焉飛禽走獸依焉

其剛節也則治亂不改其形寒暑莫移其操其大量也則育萬物而不倦資四方而靡窮故以衆美攸歸明祇是宅豈如羅浮之島拔嶺南遷舞陽之山移基北轉以夫挺秀之質而無居常之資故知靈岳以標奇托神威而爲固加以飛泉涌砌激石分湍縈氛霧而終清有英俊之貞操住方圓以成像體聖賢之屈伸日注不窮類芳猷之無絕年傾不溢同上德之誠盈陰澗懷冰春留冬鏡陽巖引溜冬結春苔非疏勒之可方豈瀑布之能擬至如濁涇清渭歲歲同流碧海黃河時時一變夫括地之紀橫天之源不能澤其長莫能殊其操信乃茲泉之表異帶仙宇而爲珍仰神居之肅清想徽音其如在是以朱輪華轂接軫於壇衢玉帶豐綵連箱於廟園

縕靈氣仰之而彌高昭晰神光望之而愈肅潛通元化  
不爽於錙銖感應明徵有踰於影響惟賢是輔非黍稷  
之爲馨惟德是依豈筐篚之爲惠昔有陪昏季綱紀崩  
淪四海騰波三光戢曜先皇襲千齡之椒號膺八百之  
先期用竭誠心以祈嘉福爰初鞠旅發跡神祠舉風電  
以長驅籠天地而遐捲一戎大定六合爲家雖膺錄受  
圖彰於天命而克昌洪業實賴神功故知茫茫萬頃必  
俟雲雨之溼巍巍五岳必延塵壤之資雖九穗登年由  
乎播種千尋聳日本藉崇基然而不雨不雪則有炎枯  
之害非塵非壤則有傾覆之憂雖立本於自然亦成功  
而假助豈大寶之獨運不有資於靈禱者乎故無言不  
酬無德不報所以巡往蹟賽洪恩臨汾水而瀝心仰靈



壇而肅志若夫照車十二連城三五帶帛雲委珍羞山  
積此乃庸鄙是享恐非明神所歆正當竭麗水之金勒  
芳猷於不朽盡荆山之玉鑄美德於無窮召彼兩師宏  
茲惠澤命斯風伯揚此清塵使地祇仰德於金門山靈  
受化於元闕括九仙而誓衛擁百神以前驅俾共威振  
於六幽令譽光於千載豈若高唐之廟空號朝雲陳倉  
之祠虛傳夜影式型芳烈乃作銘云赫赫宗周明明哲  
輔誕靈降德承文繼武啟慶留名翦桐頌土逸翮孤映  
清標自舉藩屏維甯邦家攸序傳暉竹帛降臨汾晉惟  
德是輔惟賢是順不罰而威不言而信元化潛流洪恩  
遐振沈沈清廟肅肅靈壇松低羽蓋雲挂仙冠霧筵霄  
碧霞帳晨丹戶華冬桂庭芳夏蘭代移神久地古林殘

泉涌湍縈瀉砌分庭非攬可濁非澄自清地斜文直澗  
曲流平翻霞散錦倒日澄明冰開一鏡風激千聲既瞻  
清潔載想忠貞濯茲塵穢瑩此心靈猗與勝地偉哉靈  
異日月有窮英聲不匱天地可極神威靡墜萬代千齡  
芳猷永嗣

喬宇晉祠記初七日起行過太原城西以太原人國子  
生宋灝善篆而刻石遂與偕行西南行四十五里至於  
周唐叔虞始封之地虞有祠於太原縣之西南是爲晉  
祠下輿謁焉祠之右有晉源神廟其像爲聖母殿前皆  
蟠飾金龍於柱宋額曰惠遠祠並東臨於泉上泉自懸  
寶山而出此結二穴以泄穴廣二尺許因甃石池溢泛  
爲溪北折而東瀾漫盈決渠穿澮引條經井絡用溉田

疇方四十里晉陽之民稻梁而食者皆饗其利號爲齊  
腴故歲孟秋特牲酒報賽源神於祠下者繼屬於道是  
時農事方興初苗被野清流數派環繞於綠畦之外復  
有垂楊挂絲晴花吐蕊掩映川源殊有江鄉之景渠卽  
智伯用以灌晉陽處凡有三派同入於汾河祠內有唐  
太宗御製碑碑後唐宋石刻左右旁列有千年柏丹皮  
黛幹蒼蒼蓋於祠上爲祠增色幽鳥往來鳴於樹間予  
與宋生談於柳陰之下佳景逸發余爲詩俾宋生篆刻  
於祠內之石

朱彝尊遊晉祠記晉祠者唐叔虞之祠也在太原縣西  
南八里其曰汾東王曰興安王者歷代之封號也祠南  
向其西崇山蔽虧山下有聖母廟東向水從堂下出經

祠前又西南有泉曰難老合流分注於溝澮之下溉田千頃山海經所云懸瓊之山晉水出焉是也水流會於汾地卑於祠數丈詩言彼汾沮洳是也聖母廟不知所自始土人遇歲早有禱輒應故廟特巍奕而唐叔祠反若居其偏者隋將王威高君雅因禱雨晉祠以圖高祖是也廟南有臺駘祠子產所云汾神是也祠之東有唐太宗晉祠之銘又東五十步有宋太平興國碑琅祠古木數本皆千年物廊道元謂水側有涼堂結飛梁於水上左右雜樹交蔭希見曦景是也自智伯決此水以灌晉陽而宋太祖太宗卒用其法定北漢蓋汾水勢與太原平而晉水高出汾水之上決汾之水不足以拔城惟合二水而後城可灌也歲在丙午二月予遊天龍之山

道經祠下息焉逍遙石橋之上草香泉冽灌木森沈條  
魚羣遊鳴鳥不已故鄉山水之盛若或睹之蓋予之爲  
客久矣自雲中歷太原七百里而遙黃沙從風眼昧不  
辨川谷桑乾滹沱亂水如沸湯無浮橋舟楫可渡馬行  
深淖左右不相顧雁門句注坡陀阨隘向之所謂山水  
之勝者適足以增其憂愁怫鬱悲憤無聊之思已焉旣  
至祠下乃始欣欣然樂其樂也由唐叔迄今三千年而  
臺駘者金天氏之裔歷歲更遠蓋山川清淑之境匪直  
遊人過而樂之雖神靈窟宅亦憑依焉而不去豈非理  
有固然者歟爲之記不獨誌來遊之歲月且以爲後之  
遊者告也

右晉水

洞過水出平定州樂平鄉西隄泉嶺

榆次縣志嶺在樂平西四十里高半里許右有二泉始

可濫觴卽洞過水也水經注云洞過水出沾縣北山

此

乃經文近刻過作過戴氏實今樂平卽漢沾縣也至嶺

下諸水會集泛濫成河西流十里至店上地又二十里

至平定州廣陽鎮稍西北流經松曲許莊凡二十四里

至松塔浮化水自平定西浮化山行至裴村合龍泉水

凡二十四里來注之

案浮化山在州西南入十里龍泉出金泉山聖壽寺在州嶺西六十

里又四里木瓜水自和順木瓜嶺經白木寨馬坊台石

墩嶺水

案二嶺並在和順縣傳平城北入賦嶺東

凡七十五里來會之水經

所謂南谿水也

案注云其水西流與南谿水合水出南山西北流非經文也

謹案洞過所源之隄泉木瓜諸嶺皆沾嶺之北支也

地形志以出木瓜嶺爲正源水經注則統以沾縣之  
北山蓋兼二源矣其字史多作洞湯或書爲銅錫同  
戈皆因方言而謬顧亭林東原嘗辨之方志惟榆  
次志記其源流甚詳故獨徵及

西北流逕壽陽縣南壽水自北來會

榆次縣志復西流四里至李莊入壽陽南界

壽陽縣東南四十八

里又二十四里至羊頭崖

縣南三十五里

又十三里有冷泉寺

壽陽志在縣南五十里洞過

水北其水自高山而下今割寺西黑水自壽陽西北七

十里偕其縣西龍門水東北童子河會壽水曲折行五  
十里來會之又西三里經盧家莊有水自南來注之卽  
蒲谷水也又西流六里至建公穴穴大可三四畝水深  
不測相傳其中有怪物焉

壽陽縣志黑水出縣西六十里黑水村西左右二源一

自山底村東南流一自後溝村東北流合而東屈南合

石河之水

水出縣西七十里胡家堙西山東流至平頭鎮南俗呼平頭河左會於黑水黑水

又南壽水自南來注之壽水出縣西南七十里要羅山

東北流有頡紇村北山谷之水北流注之又北徑太安

驛俗呼太安河屈西轉而東左會黑水以下黑水壽水

互受通稱又屈曲而東龍門河自左注之

在縣西二十五里其源有

二一出縣西北五十里黃諸村東南流一出縣西北四十里段王巖東南流匯爲一川至白家莊入壽水又

東谷口河自右注之

出縣西南五十餘里風前山東北流

又東萇榆河自

左注之

出縣北五十二里董家村西流屈南有獨壁河出縣北三十五里丁家溝西流迤南注之又南

有山底河出縣東北四十里胡家莊西南流右納石流河又西右納寺溝水三水匯爲一川南流徑縣西俗呼

教場又東左合曹河一名童子河也

出縣北十里曹家河村西流屈至城



西南二里許入於壽水舊志相傳唐李長者過此有羣兒迎於水旁因名爲童子河又東徑縣南

屈南左納七里河

出縣北十五里王家莊南流屈西莊

之又西有東河出縣東十五里

又南合北河鎮之水

出縣南十五里蓮花池村東流劉家山之水東南流

注之又東磨兒壩之水南流注之又東入於壽水又

南入洞過水水經注云黑水西出山三源合舍同歸一

川東流南屈徑受陽縣故城東其水西南入洞過水考

是水在縣南二里晉時有壽水之名縣在其陽故曰壽

陽而水經注言黑水不言壽水或謂黑水壽水龍門河

爲所云三源者大致以意傅合而已

又西逕榆次縣東涂水東南來注之原過水北來注之又屈

逕其城南

榆次縣志又西行十八里至西落過大坂入榆次界稍

西北行下峪河入焉

發源十里溝經辛置東河後溝下峪諸村入洞過縣東北四十里柏

林助大佛溝水至後溝來合又有李方水經東趙村石

出李方村北神祠下每水漲泉湧流入

家坂河入焉水出坂經小五

入縣境西流凡十三里至

北合流村大涂水合小涂來會之又西五里原過水行

半里餘自北注之經縣東南又西南流凡五十里由永

康鎮過郝村入徐溝境大涂水出入縛嶺湖海坪西流

五里至霍城村八縛水自東南來注之

水出縣東南一百里入賦嶺之

西北行十里至霍城村

又西北流四十里至石槽頭小涂水自東北

行三十里來會合流不十里經蒲交有小泉水自南山

下來注焉又西北行經合流村環中都故城與洞過會

源過水一出村東卧羊溝一出施霖洞一出永濟橋北

一出甯氏魚池天寒不冰泉側草木冬榮名爲溫泉塘

貞觀中邑令孫湛引以灌田南行半里許入洞過盛夏

之時荷花盛開稻田綠滿亦勝境也

志又有牛坑水出縣東南三十里紫

坑溝東流由藺交入涂其北流者爲紫坑村之南泉至

西塢經南北要郭村入洞過杜堡溝水起縣東南二

十五里上黃彩村至雙村名牛耕水

壘爲南北二渠自

北渠西行十里經修文村入洞過

北塔河起縣東南

六十里西窪村西行至施家橋舊志

所稱豹花溝也又

西爲圪塔河下流引渠資灌

寒泉水出縣東井峪

村龍祠下行十餘里經中郝西郝

間注洞過

北合流水出村東龍祠下南行至洞過

謹案水經注洞過水合黑水又西蒲谷水注之又西

原過水注之又西經榆次縣及武灌城爲洞過澤澤

南涂水出大嶧山涂谷西南與蔣谷水合亂流入澤  
考武灌城在榆次西南三十里而澤又在其西似縣  
氏所言涂水乃今之金水河與太谷之象谷水合者  
而榆次之大小涂水正屬注之蒲水南出蒲谷北流

者也然方志相沿已久古今河道不無變遷記載時  
或錯出魏收志言五水同過所舉木瓜沾嶺大廉原  
祠外竟缺其一鄭注之洞過澤亦湮塞弗辨徵引古  
說一一求合必致迂曲難通矣地形志榆次有長窳  
水西北合同過榆次志以爲卽大小涂水以縣東南  
有長窳古寨推之亦或然也

又西逕徐溝縣北象谷水自太谷縣東南來注之

太谷縣志象谷河在縣東北二十五里源出八賦嶺舊通

志出榆社由范村出口西北流迤邐入榆次徐溝縣境  
怡張嶺下舊志在徐溝縣南由太谷入縣境李清楚王清德內道  
宜武高花諸村流入清源界舊在縣南十里明季移北  
五金水河在縣東北源出大塔山下至石母祠與衆泉  
合經榆次縣東陽鎮榆次縣志經縣西河莊西南五里  
入太谷北郊村至溫莊有水出自

山谷通志卷四十一 上九之一  
太谷縣西石土村西南十里至溫莊與杜家山水合復  
有水出太谷梁平村旋經榆次朱村之南西行十里復  
入太谷東賈村與杜家石土二水合皆稱金水河由東  
西經任村郭訓村西南十餘里至縣之東陽鎮漸向西  
北行入徐溝山道村徐溝縣志金水河在縣東十里  
溝縣界  
徐溝山道村自東陽鎮入縣境集義諸村漫  
流秋水大發  
西北合象谷水經清源縣羅白村  
時斷行旅

舊通志洞過河在徐溝縣北八里土人名淤泥小河經  
榆次永康鎮先在太原縣北格等村西流今移縣境良  
隆遼西同戈白樹董家營龍家營黑石屯等村流入清  
源界

又西至清源鄉東流入於汾

舊通志汾水在清源縣今改東五里水經注南經梗陽

縣故城東故榆次之梗陽鄉也今太原晉陽縣南六十  
里有梗陽城汾水又南卽洞過水會者也

葉導江記洞過水西北之水多濁而趙地之水清者有二其一曰晉水水經所謂出晉陽縣西縣襄山者是也其一曰洞過水水經所謂出沾縣北山者是也沾北山一名沾嶺嶺西鳴水沾水所出皆至井陘合壽陽東界之桃水爲治河北入溇沱嶺之南少山大要谷清漳所出南流合於濁漳自沾嶺南迤西爲木瓜嶺石堠嶺入賦嶺大廉山有古石堠嶺山武山分形爲八字故石堠八賦以名其南水悉歸漳北水歸洞過沾水近北二泉并發爲洞過水者與鳴水源同一山今呼陟泉嶺在樂平縣西其水西北流經平定州西南木瓜嶺之水北流七十五里會之水經注之南谿水也又西北至壽陽縣東南界戊子秋余以公事往樂平得觀洞過水之清駛

宿常村肩輿早行山中見水流渾濁問諸從者曰此洞過水也何不類乃爾從者應曰昨雨盛水從四山驟至洞過清流潛於渾水下余疑之復西北行十數里則清激鏘鳴者曲赴山石間問渾水安在從者曰渾水行遲少待當至矣既而果至余始信從者前言不我欺歎水性之清濁遲速不侔而不相入也有如是復三十里許經壽陽之羊頭崖洞過水折而西南流又十餘里至趙家莊盧家莊之間壽水會西流七八里皆逸遷行石上汪洋澹泊激石有聲淙淙然下落於建公潭潭方畝許深莫能測四方山皆土戴石巉巖刻秀建公村隱其間居人涉水者或以砵或以略約余留宿村中詢其土俗無識字人無入城邑識官長人其山川滄樸之氣可知

也壽水控引壽陽全境之水南會於洞過洞過於始  
濁魏書地形志云同過水出木瓜嶺一出沾嶺一出大  
廉山一出原過洞下五水合道故曰同過然則同之爲  
洞因水名加偏旁耳志言五水而僅臚四源失舉者舍  
壽水無足以當之自建公潭迄西逕西落鎮至榆次縣  
東界游波西逝左則涂水南來會之水經注所謂出大  
嶸山涂谷者也大嶸山卽地形志之大廉山又西五里  
原過水自右會之統納衆川勢亦始平居人用以灌溉  
故其地溝塍刻鏤穰稔千頃彷彿江南風景憶春自汾  
州還道經晉祠觀晉泉之正出清鑑毛髮山下釀渠數  
十其穀亦宜稻之二水之情之利更何其相似歟晉水  
初出而民剝之洞過必經流百數十里而民始食其利



則因乎地勢然矣五水之合爲洞過也惟涂水最古春秋時以名縣顧物情隱顯有時是以水經魏志咸表洞過而壽陽命以壽水鄭道元稱曰黑水魏收作志失之

也夫

案此記乃戴氏撰作見東原本集

有洞過水

文水出交城縣西北孝文山

交城縣志孝文山在縣西北一百六十里渾谷水源出

山後西谷水源出劉王常

縣西北百八十里

南流至榆城

縣西北百

三十里合渾谷水經流文水縣峪口開柵二村少陽山在

縣西北七十里山海經少陽之山酸水出焉今水微酸

流合文谷水文谷在馬鞍山後

在縣西北五十里自下流入文水縣界通稱文

峪河塔沙水源出縣東北五十里南流經縣東北

今名

河步渾水源自馬鞍山前流經瓦窰溝康熙二年磁瓦

二水交流北門地裂壘石築隄障水南流

同是以時修治二水舊由

縣東入汾今則直南行至文水縣注文峪河也白石河

北自清源鄉來與之合流又志有觀音泉在縣西北

入十里西治村龍潭泉在石壁山西北巖下古有龍

潭碑演法於此泉在卦山南石崖下龍池泉

在卦山西方丈石坎中靈泉在卦山巖石佛堂西巖

下卦山鹿泉在玉山之麓月波湖在縣城中東南隅

周圍二里許一名御月湖

南流出文峪口逕文水縣東交城諸水東北來注之又南隄

泉水西來注之

文水縣志文峪河在縣北二十里源出永甯州孝文山

一出交城縣西山半崖龍口一出縣土安都泊泊河在縣

西五十里三水合流從文峪口開柵鎮東南流水經文水出

大陵縣西山文谷東到其縣屈南到平陶縣東北東入

汾案大陵故城在交城縣西南十里前隸文水縣後割土安都易之曰隸交城平陶故城在文水縣西南二

十五注文水徑大陵縣故城西而南流有沁水注之縣

西南山下武氏穿井給養井至幽深後一朝水溢平流

東南注文水通志沁水在文水縣北八里龍泉村北由東南注文峪河平地湧出袁宇記謂之神

福泉謂雨多應五又南徑平陶縣之故城東西徑其城

內南流出郭文水又南徑縣右會隱泉口水在縣西南二十五里

隱堂山汾陽縣界白石河在縣東北三十里源出清源白石山

西流經縣武安都西南入於汾案此水與交城縣之資

入汾今自汾水東徙文水行汾故道而諸入汾之水皆

注入文水矣又志有猷水在縣東北二十里武陵村

西平地湧出周十里有奇後涸武勝泊在縣西南二十

里唐天授二年改名朱雀泊後涸甘泉在縣西南二十

十里甘泉寺右池方廣一丈許

汾陽縣志隱泉水出縣北謁泉山之上循磴透池注

山下又東徑文水縣西南以下無津渠通流山水盛漲  
乃趨下地入於文水水經注水出謁泉山之上頂頂上  
平地一十許頃沙門釋僧光表建二刹泉發於兩寺之  
間東流憑石沿注山下又東津渠隱沒而不恆流故有  
隱泉之名矣雨澤豐澍則通入文水今文水縣境呼爲  
清泉渠南廟碑云文水縣西南五里鄉名樂村乃隱泉之所經泉流自是而澄清可漉故曰清泉

又南逕汾州府東原公水自城北來注之諸爲文湖

汾州府志水自文水縣南流與汾陽東北五十里接境

以下徑百金堡南堡村康家堡之東並縣東北迤西轉南徑

雷家堡潞城村申家堡之東並縣東十里迤東逕北莊村乾

河村之東轉南徑師家莊之西董家莊之東西河壁之

西縣東南三十五里接孝義縣境文湖在府東十里水經注云文水南

徑茲氏縣故城東爲文湖東西一十五里南北三十里  
世謂之西湖湖在縣直東一十里湖之西側臨湖又有  
一城謂之潞城水澤所聚謂之都亦曰潞蓋卽水以名  
城也自北魏之西河郡治茲氏城唐上元後又以西河  
名縣故陂池唐謂之西河泊宋則謂之西河濼元和郡  
縣圖志汾州西河縣文湖一名西河泊多蒲魚之利宋  
史河渠志熙寧元年正月復汾州西河濼濼舊在城東  
圍四十里歲旱以溉民田雨以潞水又有蒲魚菱菱之  
利可以給貧民前轉運使王治廢爲田人不以爲便至  
是知雜御史劉述請復之明謂之潞城濼汾陽縣志諸城一帶舊係  
文湖深一丈長十五里闊八里文峪河及隱泉諸水皆  
入而匯爲水澤千頃稻粱莫不待灌而窮民網罟亦資  
鮮食文湖神祠記迄今可考嘗見東南水利甲於天下  
者以列田爲湖旱則蓄之潦則洩之雖有凶災而民不

田西北之水則又貴蓄而不貴洩文湖當時納而不吐故得常盈不涸金大定間濱湖居民築渠入汾太守傅公僅致力爲嚴禁守去終引而注之勵以爲田無論傍湖膏腴多旱暵之虞皆鑿石田卽此地亦惟早年可熟也但有淫霖輒致漂沒但知窪地可田而不知餘田失水勢必不能當法割田爲湖之意規其半以蓄水導上流會納而勿使通於汾其所蓄地賦均攤於傍湖之田庶幾稍免賠糧之害而實獲積水之利矣但愚民嘗被災之時或亦願行而當收穫之年遂忘貽害

汾陽縣志原公水出縣西北白彪山麓俗呼壺盧谷故是水又名壺溪亦呼馬跑泉東南流徑羊頭山北又東

徑縣北又東入文水水經原公水出茲氏縣西羊頭山

東過其縣北又東入於汾廊道元注云水注文湖不至

汾也水又名石鼻俗呼質魯水云北魏賀魯將軍駐師此山馬跑得泉其語無稽金鎖關水

出縣西三十里關峽一名懸泉水俗呼向陽峽水東流

有澗由縣西張堡東流迤北注之俗呼禹門河導源山谿至張堡有泉曰麻

高泉

又東徑縣北又東入文水清溝水導源縣西南谿

澗東北流右合一泉曰石莊泉又東徑縣南入文水

薛頡嶺之水有南北二澗北澗名善利渠循谿谷東

流迤南轉而東北歧爲二左渠東徑陽城之北魏書地

形志汾州隰城縣有陽城者也其水東注引資灌溉右

渠南流徑陽城西屈而東徑其南又東亦引以灌溉分

溉之餘東入文水

方輿紀要善利渠東  
西首尾凡百餘里

又南逕孝義縣東北勝水西南來注之

孝義縣志文峪河自汾陽北來至城東北十五里許之

新莊入境微繞而西南

府志自縣東北十八里南船頭村西流入義河一名

金沙河又名行春川源出薛頡嶺東南迂回一百四十

餘里自發源東行三十餘里爲北汾南孝分界三

山轉東南行約三十里有賈壁水自西來歸

水出龍隱山東南麓

東行二

十餘里又東二十餘里板峪水自西南來歸

水出縣西北四十五

里龍隱山之南繞西溝溝村板

峪諸村之南復東北流來合又三里許會汾陽之三

泉河在汾陽縣南二十里出三泉鎮山谷中西接靈浮

在汾陽西南四又二十餘里至大陂城東北入汾陽又

二十餘里歸文峪河

府志其水清冽異常故源泉陰處

感暑鷄冰者 孝河有南北兩川北川卽勝水也其源出

皆往取之

縣正西之盤重原東行一百二十餘里會文水

水經注

中陽縣故城東又東南流與勝水合水西出狐岐之山

東徑六壁城南又東合陽泉水水出西山陽溪東徑六

壁城又東南注于勝水勝水又自發源東北流二十餘

東徑中陽故城南又東合文水

里合西北來之狗兒溝始東南流

備水出薛頡狐岐兩

許行十五里界裏頭之水自西北來歸

水出薛頡山東南麓繞白駒南



段王相王等村  
之東復南流 又四十餘里至薛家會之東合南川之

水卽水經注之陽泉水也寰宇記謂之西陽泉出縣西

東行二十餘里有高唐山之南麓故溫泉縣東北十里自源

流四十五里至薛家會白雀山在縣西七十餘里東連

烏雞山出水出兩山間復東流八里許左水自西南來歸

南流十餘里入南川復東流八里許左水自西南來歸

水出縣西南六十五里玉泉山之東北麓繞柏枝山之

南東流五十餘里入北川府志辨爲勝水又以爲與南

川合流非是 又二里許玦溪水亦自西南來歸水出縣

說詳汾西山 又三里至縣城西南決北岸引水

十餘里玉泉山之東 又三里至縣城西南決北岸引水

爲潤民渠復繞城東流五里許亦決北岸引水爲興隆

渠又十里許漕溪水自西南來歸水出縣西南三十八

北行四 又七里許入文峪河志又有吐京泉出城西十

又東南入於汾

十餘里 又七里許入文峪河志又有吐京泉出城西十

河府志吐京泉近吐京村北魏孝昌中吐京郡僑

置是間也其水入陽谿或言卽水經注之陽泉水

孝義縣志汾河故道自城東北十五里之新莊入境東南流十五里許至橋頭村始折而西乾隆三十二年河東徙十餘里始自城東南二十里之橋頭村入境會文峪河而新莊故道爲文峪河徙歸行境內二十五里

汾州府志文水昔時於汾陽縣卽與汾合自乾隆中汾徙而東文水徙而西孝義始有文水然考之水經注文水既合勝水乃入汾與今之水道無異而前後地志所載或過文水縣卽合流蓋汾水既東西轉徙於汾陽孝義東接平遙數十里文水至此隨其所棄之故道通塞而或因或決亦遂無定此小水附近大水者必然之勢於水之左右相其地形酌用縷隄遙隄之法亦補救之急務也

謹案汾水至交城文水二縣下東西轉徙隨時不同  
文水入汾或遠或近自昔已然故水經作於三國魏  
時文水由平陶故城入汾至北魏而鄭注謂合勝水  
乃入於汾證以舊志悉如道元所云而自乾嘉以來  
文湖多湮爲田井廬相望由文水自上游決渠東流  
入汾也道光初遂北奪登窰河道於是清源交城之  
水舊入汾者盡徙而入文山潦時漲衝突不常決而  
東則災及文水決而南則濱湖諸村悉成澤國疾苦  
墊隘無歲不聞乃議三縣合修濟以庫款浹故瀆之  
淤滯復文湖之滯蓄鑿渠建閘經營歲餘水始暢行  
其湖身久爲村落所占施功所及僅得古昔之三四  
也

右文水

滄水出冀城縣東北烏嶺山

舊通志山在縣東七十里一名黑水嶺又一源出佛山

下在縣東南七十里東南當作東北水經滄水出河東絳縣賈

滄交東高山注滄水東出翔高山今灤水出翔皋而滄

水南源出佛山是井翔皋山佛山胥名滄交東高山案

佛山之源  
爲南源誤

冀志存略滄有三源北源一出佛山下西南經兩河坂

縣東北二陰莊縣東北一出溝西源頭縣東北經史伯

縣東北至陰莊合流而南南源出烏嶺山下南流經白

駒石門白駒村在縣東四十里上石門距縣二十五里又五里有下石門又西至大河

口在縣東與北源合流

西流逕縣城南屈而西南流其一源出縣東南絳高山西流與之會

水經注滄水出絳高山亦曰河南山又曰滄山西徑翼城

北右引北川水出平川南流注之亂流西南入滄案故翼城

在今縣東南十五里

元和志滄高山在縣東南二十五里滄水出焉

平陽府志滄高山在邑東南十五里又名翔皋明統志

形如鳥翼下有澗泉括地志滄高山又曰滄山在絳州

翼城縣東北案當依元和志作東南二十五里滄水出此山也案

經注絳高俗刻作詳高與翔皋皆一音之訛也沙泉在縣東十二里清流村西

周圍數十武平地鈞湧西流與澗水合入滄

翼志存路澗水出翔皋山之西蓋水經括地諸書所謂

滄水者也今不名滄而名濩者疑樂共叔遺蹟後譌樂  
爲濩耳又名靈池廣畝許分流二渠至李村在縣西南五里與  
滄水合流又云以地勢按之水經注諸書所謂翼乃今  
故城所謂滄乃今濩水所謂黑谷水乃今烏嶺南源所  
謂北山水乃今佛山源頭北源也豈古之濩水名滄而  
佛山源頭烏嶺之水不名滄耶然不可考今皆以出翔  
山下者爲濩以出佛山源頭烏嶺者爲滄與古名相刺  
謬矣

謹案烏嶺爲霍山南支浮山翼城之東山受其通稱  
說文謂滄出霍山水經謂出東高山實皆指烏嶺之  
三源廊道元注水經證爲出絳高山特舉其近源耳  
方志遂以滋惑如舊志以出佛山者爲南源明人志謂一源出絳縣東北之大交鎮皆以

度獨縣人王世家所著異志存略原書不存據言其

源委詳確可據則由於足跡所履證以許君桑氏之

言亦悉合也

又西爲滄交

水經注滄水又西南與諸水合謂之滄交有賀水東出近

川西南至滄交入滄釋縣志玉龍泉在縣東五十里東西

縣境馬宜莊合涼水又有高泉出東南近川西北趨滄交疑卽入滄

又南紫谷水東出白馬山白馬川西徑熒庭城南而西出

紫谷與乾河合卽教水之枝川也其水西與田川水合水

出東溪西北至滄交入滄寰宇記熒庭城在翼城縣東南

原山在絳縣南八十五里教水出焉案鄆注河水下教水

入巨縣鼓鐘川分二河一河西北通同喜爲乾河當卽此

枝川也詳縣志紫家谷在縣東南十五里有青凌池在官

莊川也詳縣志紫家谷在縣東南十五里有青凌池在官

故郡水出縣東北四十里故郡莊方二畝分三渠溉田同  
流入澮水似卽田川水也然清淺池水非復輕流不足以  
當紫谷

又有于家水出于家谷有范壁水出於壁下並西

北流至翼廣城二水合而西北流至澮交入澮

絳縣志范壁莊在縣

東北三十里翼城志于家谷在縣境其水則無可證實矣  
又澮北泉水有神泉出城北水清鎮泰山廟東過廣運  
橋繞城東南流入澮丹澮在城北十五里龍藝村其水  
南流經中丞橋入澮又有龍潭在縣東南大頭村山深  
處有二潭一黑一白水色任洋深莫能測相傳中有龍旱  
則投穢以激龍怒必獲大雨若談投白龍潭或雨雹穀苗  
云

又西運曲沃縣南絳水自絳縣東南來注之

曲沃縣志澮水在縣南三里發源翼城入縣東北境循

平樂衙范吉莊東西棘壁踰尉村徑盈村常村望絳上

下兩裴莊至交里絳水挾清水來又西流徑南吉村安

吉村濟西水來會

在縣南五里出紫金山麓旁有濟慎祠

又西徑東西兩



韓村金沙村香邑單家營張少至侯馬橋過上馬宋郭

崖上東西陽呈村及莊裏入絳州境絳水源自絳縣西

北絳縣志絳水即沸泉發源縣北十五里絳山下村池

石潞流發巨又北流流入縣東南二十里景明村逕青

玉峽注爲瀑布張志所謂沃泉懸出也舊頗狹邑令張

坊鑿水口寬八尺分渠溉田清水泉在縣東南十里合

龍底泉有二一在林交山下平地湧出卽錦水也一在

沐巖下晉時常架水入城又有拔劍泉在任莊溢溝泉

在東閭村源出絳縣俗稱絳縣雙水經注滄水又西南

與絳水合俗謂之白水非也水出絳山東寒泉奮湧揚

波北注懸流奔壑一十許丈青崖若點黛素湍如委練

望之極爲奇觀矣其水西北流注於滄史記智伯引水

灌晉陽曰汾水可以浸平陽絳水可以浸安邑汾水灌

平陽容亦有之絳水灌安邑未識所由也

案絳水當指漢水國策史

記皆作汾水可以灌安邑絳水可以灌平陽

得是愈難通戴氏反據以改此注似非

又西至絳州南西流入於汾

絳州志滄水在州南五里山州境柳泉莊至橫橋莊入

汾隸州境凡二十里水經注汾水西徑魏正平郡南又

西徑王澤滄水入焉

案滄水經文云西至王澤橋注於汾水注作王澤

王澤在州

西七里

### 右滄水

涑水出絳縣南橫嶺山與洮水會

明史地理志絳縣東南有陳村峪涑水出焉西北有絳山

絳水出焉西流入涑又東南有教山教水出焉卽乾河之

源也

案絳水北流入涑云入涑誤

聞喜縣志涑水源出絳縣橫嶺山乾河

志作乾洞誤據方輿紀要引改

伏流盤束地中而復出洮水在縣東六十里左傅子產

對晉叔向日臺駘能業其官宣汾洮後漢書郡國志聞

喜邑有洮水水經注水源東清野山世人以爲清襄山

也

案清襄疑清廉之譌卽橫嶺山也卽注河水下云清

水出清廉山之西嶺垣曲志清水一名亳清河發源

橫嶺山下今橫嶺關東口爲垣曲之官店西口爲絳縣

之冷口是二水同出一山東南流爲清水西北流爲洮

水也故道元謂清野亦卽清廉

其書爲襄四字形相似而誤也其水東徑大嶺下西流

出合口又曰涑水至周陽城與洮水合司馬彪曰洮水

出聞喜故王莽以縣爲洮亭也然則涑水殆亦洮水之

兼稱乎

案志以沙渠水所出之山當清襄山所言洮水似卽景水與注文不合

絳縣志涑水發源縣東南十五里自陳村峪東出伏流

地中至柳莊復出

在縣西南二十里

舊志陳村峪在太陰白條

兩山間帶溪水發源處也又通垣曲界

水出峪內諸峰間約四五里出

村西岡

西萊莊泉水發源縣境周家莊趙村塋溝內西

萊莊柳莊二村瀕水設渠

西萊莊在柳莊北其西北即橋水鎮也距縣二十里與間

喜界絳水發源城西溝中至楊村十里明一統志智伯言

絳水可灌安邑卽涑水上流也

舊通志聖水源出縣西十里楊村晉太康間楊

解耕地湧三泉疾者飲之風愈今甘苦異味有聖水寺又馬跑泉在界村有太陰將軍祠冷口峪水

發源橫嶺關東西冷口宋莊三村

在縣南四十五里

謹案絳志帶溪水柳莊渠楊村泉皆可稱涑源水經

云出聞喜縣黍葭谷酈道元注俗謂之華谷者後人

皆未確指所在以地望覈之則絳志所舉之三源實

水經注之乾河也道元於教水下云水南歷鼓鐘川

分爲二澗一澗西北百六十許里山岫廻阻纔通馬

步今聞喜縣東北猶有乾河里故溝存焉滄水下云

紫谷水西出紫谷與乾河合卽教水之枝川也鼓鐘

山在垣曲北五十里紫谷在陳村峪西之紫家村似

今絳縣城南卽乾河所經而陳村峪迤東接垣曲山

者其澗首縣城迤西抵聞喜橫水鎮者其下口也

經水冬乾而下流實惟乾河楊村柳莊之水木非通

流均乾河之故溝其陳村峪又介紫谷之東紫谷水

既絕乾河而北入滄峪水乃潛越紫谷而西出尤爲

不遜理矣聞喜李汝寬石隄記曰涑水出絳縣橫嶺

關北煙莊谷出谷爲聞喜之義甯諸里

絳縣志橫嶺關在縣西南四十里煙莊在關北十里聞喜志羅公渠發源

絳縣煙莊其堰有五渠口在絳縣磨裏村堵上下三十里間而水幾涸又三十里帶城而西汝寬

古曲沃及舜陵者說多可據似直以煙莊谷爲道元所謂華谷而洮水所出之清襄山明是橫嶺關含口亦卽冷口特二水昔至周陽而始合者今則斷渠築堰裁出含口而已混爲一舊志以自橫水來者爲涑源自磨裏來者爲洮水已以乾河當涑水聞喜志更合爲一而云涑水出橫嶺山乾河其實乾河在北爲陳家峪柳莊之水橫嶺在南爲煙莊冷口諸水源流各別茲獨舉橫嶺山以經流所導足統涑洮不必以伏流盤東之說傳合也若明志謂涑水卽絳水以絳水灌安邑之言證之蓋夙有其稱而水道提綱遂謂涑出絳之北山與舊志以入滄之絳水並稱爲涑則紕繆不足辨矣

西流入聞喜縣境與董澤甘泉諸水合又西南沙渠水東來注之屈逕縣城南

舊通志涑水合洮水景水沙渠水西流聞喜縣境會温

泉水呂莊河甘泉水過東橋經城南門外折而南又折

而西過西橋入夏縣界案入涑之水水經注先泲水次董澤次景水次沙渠水縣志則

先董澤次甘泉次温泉又次爲呂莊河則泲水景水沙渠水合流者也與鄭注不合通志誤以呂莊河別爲一

水又次甘泉於最後因鄭注所無而以意序次董泊在

之也特其徵引舊文較縣志爲備故採其說縣東四十里舜時董父豢龍之所一名豢龍池周數百

步蒔荷滋稻浸溉十餘里水經注涑水西徑董澤陂南

卽古池東西四里南北三里春秋文公六年蒐於董卽

斯澤也裴晉公湖園趙忠簡公董澤書院皆在泊左温

泉一在縣東四十里官莊村一在南湖村二水相鄰胥

冬温卽泊泉也流入涑水

案諸水在古周陽城東

甘泉在縣東三

十里東鎮北黑龍溝水西南流入涑隋移縣治於甘谷

疑卽此

案水徑故周陽城西嶺南流由川口村入涑水

沙渠水在縣東南五十

里白石村西北流會南山諸水至呂莊入涑水土人名

呂莊河水經注涑水又西與沙渠水合水出東南近川

西北流注於涑

案注云涑水又西徑仲邨城北又西徑

左邑故城南故曲沃也王莽之洗亭也涑水自城西注水流急滯輕津無緩故詩人以爲激揚之水不能移流

東薪唐志縣東南三十五里有沙渠儀鳳二年詔引中

條山水於南城下西流經十六里溉涑陰田

案沙渠水所合南山

之水出湯山北谷湯山在縣南六十里爲中條之分支志以爲卽景山也水經注云涑水又與景水合水出景山北谷西北流注於涑也今此水自源流二十餘里至縣東南二十五里之河底村與沙渠水合又十餘里至呂莊入涑土人習稱爲洗而水經注則謂洗水至周陽入涑所謂景水出景山者在縣東今無水可證實也



聞喜縣志野狐泉在縣北二十里深峪中南流合戶頭  
杜村諸水舊說乃白土溝上游北枕高阜下臨巨壑四  
面青石水自雲泉觀東半山出潺潺有聲至壑底高  
數丈其底可容萬馬而水不容一舟亦勝境也又冷泉在縣東  
四十五里湖村黃蘆泉在縣東五十里黃蘆莊暖  
泉在縣東三十里王村玉蓮泉在縣東二十五里川  
口村姚村泉在縣南三十里姚村秦王澗在縣南  
四十里美良川馬跑泉亦在美良川勝水溝在縣  
南四十里柏樊底水出岸間附草而下亂澗澗中如百  
鈴聲沿溪而上卽郭璞洞淋池在湯寨中削壁千仞  
池約丈餘不涸不溢瀑布泉在縣西三十  
里柏林村後名滴水崖自山峽三疊而下

又西南逕夏縣西

夏縣志涑水在縣西三十里

謹案水經注涑水又西徑王官城春秋左傳倬我王

官伐我涑川是矣卽今禹王城也

說詳中條山下又云安邑

禹都也秦置河東郡王莽更名洮隊卽今縣城也酈道元取證涑川以涑水爲洮水之兼稱非孤證矣今水自開喜之崔家莊開喜西南十八里入境經水頭鎮西流出境隸縣界凡四十里

又西逕安邑縣北姚暹渠鹽池並在其南

安邑縣志涑水距縣北三十五里上接夏縣下經猗氏河身長八十七里在縣境者四十七里乾隆十一年大濬之安邑以上岸高河寬不致淤塞

謹案水西徑鳴條岡而湫非大濬不通流故道自縣北三十里北相鎮西南行後改而西北舊通志云經縣境二十三里乃明以前故道也

又西逕猗氏縣南

猗氏縣志涑水在縣南六里

案縣境東西四十里悉河道所經

郭爲觀涑水考案桑欽水經云涑水出河東聞喜縣東山黍葭谷又西過周陽邑南又西南過左邑縣南又西南過安邑縣南又南過解縣東又西南注張陽池鄧道元注云涑水所出俗謂之華谷至周陽與洮水合涑水又西徑仲郵鄉北又西徑桐鄉城北又西徑王官城北又西南過安邑縣西以上半皆夏縣境蓋古安邑卽今夏縣漢晉以來無夏縣名至隋始分置而移安邑於今治不然則注謂過安邑西者將直入鹽池乎涑水又西徑監鹽縣故城城南有鹽池則今安邑境而鹽池水卽今北引之姚暹渠水也涑水又西徑猗氏縣故城北又西徑郇城北此今猗氏境蓋涑水自安邑北相鎮之西

入邑境鳴條岡自李漢郭村之間折而南順治中郭村人常掘地見大石橋懼不敢發蓋其故道也又折而東南經張河孫塢等村其地今猶謂之張河灘又折而西南歷楚侯王鑑張嵩諸村俗稱管溝故迹宛然卽注所謂徑猗氏故城北者也又西南徑太侯上莊及縣之南扶等村郇伯故城在其北卽注所謂西徑郇城也自此而西徑臨晉入五姓湖皆古解縣境卽注所謂西徑解縣故城南又西徑瑕城者也五姓湖卽經所謂張陽池也此涑水故道也厥後司鹽者慮其浸沒鹽池引而之北自北相鎮之西開新道西行經三里高頭里原頭水南香落等村西何家莊南地名崔家灣者折而南經祈村及臨晉之南村鄉頭等村合姚暹渠入五姓湖雖世

代莫考然故老相傳猶能道其疏鑿之概焉此涑水初  
改之道也至明宏治十六年巡鹽曾大有復慮害鹽疏  
請西浚新道八十里自崔家灣引而西經祈任智光等  
村歷臨晉境至蒲州孟明橋入河是爲涑水新道云

又西南逕臨晉縣南虞鄉縣北與姚暹渠合流匯五姓湖

臨晉縣志涑水經縣東南二十里經水頭觀底胥村城  
子埒諸村入五姓湖

虞鄉縣志涑水在縣北臨虞分界處自崔家灣引而西  
經本縣邸家營舊有開口引水入境內猗氏之祁村智光水頭本

縣東西渠下臨晉之觀底胥村王宵吉金城子埒至本

縣楊村普樂頭郭家莊北折而南流入五姓湖故道自

南扶村西南入縣之許家營關家莊石橋等村元時開  
新河自崔家灣折而南經祁村至縣之南村坑頭關家

莊流入明宏治  
間改行今道

右涑水

姚暹渠古名永豐渠起夏縣東巫咸谷逕縣城南右會橫洛渠西流與王峪水合注苦鹽灘又西逕安邑縣北又西逕運司城北又西逕解州北又西至虞鄉西北入五姓湖

方輿紀要姚暹渠在夏縣城南中條山北之水引流爲渠縣北十里有橫洛渠縣東十里又有李綽渠皆中條山谷諸水所導流也匯流而南入安邑之苦池灘宋天聖五年詔漕臣修永豐渠渠自後魏正始四年都水校尉元清引中條山下平坑水爲渠西入黃河以運鹽名曰永豐周齊間廢隋大業中都水監姚暹浚渠自陝郊

案夏縣宋隸陝州史據時制而

言西入解縣民賴其利唐末湮沒鹽運大艱至是殿直劉

達請開濬自解州安邑至蒲州白家場通舟運鹽清臣王博文以爲便遂授之公私果利今仍曰姚遙渠

舊通志白沙河一名巫咸河

出夏縣東五里巫咸谷

一名堯稍水

巫咸水入池則鹽不結故土人或名無鹽河橫洛渠發

源縣東北周村方山諸谷西流至縣西北尉郭鎮匯縣

北趙村北津諸河至禹王城西南入白沙河

夏縣志青龍河在縣

北三十里盤曲如龍龍王河在縣北大洋村東發源繞

南至周村灘入青龍河伯廟河發源於方山經郭道村

南至苗村入橫洛渠李綽堰在縣南源出平陸至夏縣王官谷口

出山北流合史家谷雕溝諸水至卓義橋匯爲一折西

三里匯巫咸河

夏縣志白沙河流出地上決而南則破李綽堰而害及鹽決而北則害及城

關而餘波延及村落舊堰上薄易指乾隆二十七年起

石堰五里弁定章程歲修北岸青之民南岸歸入鹽法

又志有晁家水出平咸谷引入洋宮今廢蓮花池

一在城內西北隔壕一頭八十畝一在城東北隔差

小兩池皆植蓮密而相通又有惠泉在五里橋南舊  
匯爲澤知縣李遵唐以設官道改其流令民開渠灌田

安邑縣志舊經縣城內明隆慶四年改由城北統計渠

長一百二十里在縣境者東起苦橋自夏縣五里橋至  
苦橋長二十六里

西迄莊頭橋長三十四里渠南俱有隄堰鹽法歲修北岸

惟劉家橋以下始有土堰保傍苦鹽灘在縣東一十三  
里地注修築亦時請勸公項

里夏縣東山巫咸谷諸水皆西匯此以達姚暹渠備水  
月堰

河北小月堰河南小玉鈞泉在玉鈞山下縣東北  
十五里水光

澄澈如鏡一名玉女泉入姚暹渠

運城志姚暹渠在鹽池北十里明御史朱實昌有重濬

記略曰解鹽池每患水敗自有渠以刷諸水則有所歸

匯不敢浸池而其利亦資灌漑

解州志姚暹渠在州境者東自莊頭起西至西辛莊新



橋止計三十四里長樂灘在鹽池北七里嶺眉坡陰周有長樂堰東行映灘在長樂灘西北數里西爲西膏腴灘又西北十五里爲西辛莊灘東起賈村西接臨晉諸灘亦時受姚道渠水南入女鹽池洗馬灘在西辛莊北二十五里其北又有南扶灘衛諸灘三樓灘小張塢灘胥繪地介涼水及渠間

虞鄉縣志姚道渠在縣北十里自解州曾家營東入縣

西流與涑水匯入五姓湖自西辛莊新莊至渠尾長二十五里五分

謹案姚道鑿渠通舟當起苦池故湖渠源者方志五異運城夏縣二志並謂發源王峪而所記百二十里之渠身則始五里橋是仍以巫咸谷爲上源也今自苦池以下悉爲枯澗惟巫咸河涓流尙通耳而舟楫之利北宋猶循其故蹟古今地勢之異若此

五姓湖古張陽池也在永濟臨晉虞鄉三縣境其東爲鴨子

沁中諸山水自虞鄉城北注之西與湖會合流逕蒲州府城南西入黃河

水經注涼水西南徑張陽城漢書所謂東張涼水又西南屬於陂陂分爲二城南面兩陂左右澤渚東陂世謂晉興澤東西二十五里南北八里南對鹽道山翠柏蔭峯清泉灌頂郭景純云世所謂鴛鴦也水自山北流五里而伏云潛通澤渚所未詳也西陂卽張澤西北去蒲坂十五里東西二十里南北四五里冬夏積水亦時有盈耗也

蒲州府志五姓湖在永濟縣東三十五里臨晉縣西南四十里虞鄉縣西北二十五里三縣界會處也湖旁村昔有五姓居之故名亦曰五姓灘卽古之張澤矣傍湖昔多樓臺居人環繞每夏荷花爛發水鳧沙鷗飛浴相

翔致爲勝觀其後景物盡變數十年來水益就涸

虞鄉縣志鳴子池在縣北七里

臨晉志云卽水經注之晉興澤縣人王子山辨

其非謂西陂張澤久涸東陂晉興澤正今五姓湖通志則謂東起鴨子池西連湖尾又西接孟明橋東西六十里晉水鄉也晉興張澤雖不可細析而水勢差昂條山諸谷水所會歸處恆雨

水漲鳧雁羣集故名水盈卽由大小王朔平塚孫常等

村北入五姓湖案涑水姚渠鴨池總會於湖皆由孟明

橋入河孟明橋一帶爲蒲民壅塞種田湖水逆泛東注

於池姚渠亦有倒灌之患乾隆中知府周河東道喬嘗

重濬之新河在縣東十里司鹽者慮石鹿王官二谷水

東浸鹽池開之使入鴨子池者自石鹿至麻村橋其長

一千五百四十九丈

瀑布泉出王官谷天柱峰旁東西二瀑號稱雙泉西者尤勝冬時泉

脈微俯崖而流涓涓一線近寒則冰崖百尺似白虹倒懸至春夏飛瀑直下望之似懸索水所注石罅成穴噴

珠澆玉夏月數十步外寒冽逼人東澤崖少曲瀦亦  
疑崖上蒼苔巖久晉玲瓏爲石似羊脾狀昔人謂大  
五百年化爲青羊信矣二瀑經休休亭前合流出谷  
華泉在王官谷藏雲洞北水較湑泉甘冽洗馬泉在王  
官谷東洗馬村南出裴元居沈馬因號洗馬裴泉水歸  
新河石鹿泉出石鹿谷水勢迅猛漲發時溢而東流  
湧泉在五姓湖中湖水久涸常有泉湧出上與鷲槃通  
壽漿泉在方山巖久涸壅相傳深不可測有神物宅其  
下與湖潛通明隆慶間淫雨或言方山白龍爲祟御史  
邵禾春沈鐵牌礮黑犬以壓之尋以鐵囊塞其口是夜  
大雷雨折山巖塔龍移去又方山有二龍泉在瓜  
茨谷源出二龍寺清泉水在清水谷泉出石筋垂坎  
飛舞有噴珠漱玉之形徹底澄清沙石俱見洪泉在  
東湖上洪流崖下經金沙嶺出直谷又五老山有蒼  
莖泉在山西瀾流出蒼龍谷靈泉在山下大百谷大  
明觀後平地出泉零星散湧匯爲一渠又玉柱峯有  
黑虎泉在太常營茶房前有石井滲入冬夏常盈塢井  
泉源出峰東山石佛寺左出谷又步  
虛坪有一椀泉草坪山上有淘米泉  
永濟縣志孟明橋在縣東十里傳爲秦孟明渡河盟師  
之處凡姚邈渠諸水入河必流經其下大谷水在縣東

南十五里北流入姚遶渠蒲之泉水皆源中條唯桑落

自地發也

若陵泉在王莊即谷口水源也柳溝泉在樓巖寺東梨花泉龍母泉並在大谷中

大黃泉在

山北麓

觀音泉在鹿谷上有白石寺神

龍潭在

大谷村

玉龍泉在讚歎寺下弘龍潭在縣

東四十里

龍祥觀後水谷潭在縣東南二十五里水

谷村

竹溪在縣東十里石莊村有竹溪寺後溼桑泉在城外東南五里土絕原后土祠下以北魏劉白

墮桑落酒

得名唐河中有芳烈監李肇國史補云河中

桑落坊有井

釀酒甚佳則泉本古井而其地亦當在郭中也今泉亦縮無釀者矣

臨晉縣志蒲解之地東西北三面俱高惟南最下凍越

於南而姚隄障之狂溜橫溝蕩析離居爲蒲東之大城

昔喬周二公以疏以淪憤帖鬱宣於是水歸張陽由孟

明橋達河近凍渠者資沾溉近姚渠者保生聚乃越年

山水驟至悍挾泥沙衝至姚堤回瀾倒壺而凍渠復墮

此亦時數爲之又云向者掘下流使深土疏守曲防之

戒傍水之村皆斫渠築壩次第引灌但有直注張陽之

勢而無橫出南潰之憂近則安猗以上之民盜賣橫決

致水不歸渠下流日涸故臨之渠工日懈而永之民更

不知修河爲何事坤錄胡天游復凍姚二渠記蒲晉之

白唐都督薛萬徹導水夏縣至臨晉兩委張澤入於河

解之平陸泉出橫嶺合溪赴會旋以盛陪都水姚運

渠引焉至蒲虞鄉縣澤首及亦西入於河然運所引木

北魏時永豐渠而善長謂涑水西運卽取又西南運

張陽城瀆於岐則非萬徹運所始營唯二渠源積山谷

悍挾泥沙時壅不循其理久益爲變迺後所以條其

攸歸必使之復去害政利以予其民宜若史書稱名勿

絕至今渠自兩人後問塞幾變近廢不治焉甚而張澤

者卽善長書棟所屬岐今以爲湖變其名五姓胡故蒲

渠卽以輸河潤三數十載與前時入河道凡二渠積閘

流富沈湖者或不能至若夏秋合甚風淮雨壅張鼓怒

涑南運渠力併壯決破解鹽池蕩磨漂稼發據郭邑因

咸注湖莫有洩容游波踣騰四蓄原陸藉解之人用爲

圍河東兵備道喬公泄浦三年政理孔成邪俗大和

甯武太守周侯用循賢移知蒲府事相與謀吾民幸保

生渠安業今教縣保庶存畢恬猶若未者且解池

繫國賦鉅唯水是病卻苗底帳使無濫沈川順性歲  
 種時慶經務之要莫急且先乃召父老告以渠河與罷  
 執利成日荷導復之利世於是計棟與運渠左右夫  
 家其田漑潤得及者率戶後焉其非蒲所治而統於河  
 東為解州董其合分主之以為禹治水先施氏臨晉虞鄉禾  
 濟周侯董其合分主之以為禹治水先施氏臨晉虞鄉禾  
 四乃存乃鑿乃疏乃穿乾隆甲戌春正月水功是與速  
 傑月成自解安邑屬蒲永濟三百餘里循渠樹防翼與  
 時傑式砥式過而即家營者介虞鄉氏勢尤南庫下絕  
 懸五六文崩口不可塞合周侯湖此棟要害如軍陳攻  
 守必爭險勝出俸錢買其旁田盡土實之奪其內門卒  
 社服上為其隄崇築加厚因彌翠實官吏以時衝於  
 是憤帖輿宣涼痛其暴于野者壞出共論於壑者昔若  
 食得飽茲委整如紡土燥厥群復於田耕塗里歌忘  
 其恐熱方役之興公及周侯射巡渠所勞其使人勿怠子  
 夕既訖鶴酒內資賜慰焉悅以先民佚道使眾君子  
 于事有如此今夫去疾病而復於壯者為復國地失  
 而復克取有之謂復其地功復道於者為復國地失  
 治與馬之謂復其地功復道於者為復國地失  
 武烈均乎大庸予診斯謀美河東公利稱起膏育而  
 同德協慮康享民視運萬微所為尤有尚思揚其光嘉  
 昭無休且告繼為政者師循之  
 亦克保奠以繁禾厥茲毋墮

右姚通渠及五姓湖

鹽池在運城南解州安邑界周一百四十里中分三場外緣以垣設渠堰以衛之其西爲硝池卽女鹽池也在解州境

天下郡國利病書鹽池在中條山北麓西距解州東門東距安邑南門長六十里廣七里周一百二十里近安邑者爲西池三場亦以是名池底淤泥滋生鹽根形如水晶夏口驕陽熏蒸南風動盪上結鹽板光潔堅厚可勝行人板上水約三寸翻騰浪花落板卽成顆粒古謂之漫生鹽今謂之斗子鹽更時霖小雨則色愈鮮明故曰顆鹽宜及時撈採若遇大雨鹽復解散秋冬池冷地枯不能生鹽間或有之硝鹹相雜味亦不正中池北百步許有淡泉一區味甚甘冽俗謂鹽得此水方成其西北七里又有女鹽池焉



地據高阜鹽水淡苦時或生硝亦名硝池而六小池及靜林諸澗每水溢則奔趨女鹽池爲患苦鹽池在安邑東與鹽池亦切近故環池有牆傍牆有堰所以障客水而護池者卅六小池在女鹽池西北四里一曰蘇老二曰賈瓦三

曰金井四曰戩斗五曰永小六曰夾凹水多淤沒

運城志有時生

鹽不成大粒味亦淡苦從前遇大水改鹽池嘗壅修開曬旋停罷

水經注涑水西南徑鹽

鹽縣故城南有鹽池上承鹽水水出東南薄山西北流徑巫咸山北又徑安邑故城南又西流注於鹽池地理志鹽池在安邑西南許慎謂之鹽長五十一里廣七里周一十六里從鹽省古釋呂忱曰風沙初作煮海鹽河東鹽池謂之鹽今池水東西七十里南北十七里紫色澄渟潭而不流出石鹽自然印成朝取夕復終無減損惟山水暴

至雨澍潢潦奔決則鹽池用耗故公私共竭水防其淫濫  
謂之鹽水亦謂之竭水山海經謂之鹽販之澤也池西又  
有一池謂之女鹽澤東西二十五里南北二十里在猗氏  
故城南春秋成公六年晉人謀去故絳大夫曰郇瑕地沃  
饒近鹽服虔曰土平有澆曰沃鹽鹽池也俗裂水沃麻分  
灌川野畦水耗竭土自成鹽卽所謂鹹鹺也而味苦號曰  
鹽田鹽鹽之名始資是矣木司鹽都尉治後罷尉司分猗  
氏安邑置縣以守之

鹽法志池之有畦唐宋已然池如仰盤畦居濶際地勢  
南卑於北畦旁各開水港長與畦等汲水引灌畦底如  
砥邊封爲埂中復塍以段分之畦頭有河名曰黑河三  
場澆曬皆汲於此每年勸商各澆畦頭之河務深廣毋

淤殿

舊通志淡泉在鹽池北岸泉有八眼一名甘泉池水胥鹹此獨淡建甘泉亭以濟撈鹽者之渴又有野狐泉亦在北岸

安邑縣志黑龍潭在縣東南十五里與池相鄰深不可測潞水黑色湧金泉源出夏縣牆下村西入潭青石泉

東南三十里出中條山由青石槽經郭村入潭

又有車

集

縣南二十里車輞峪中皇龍堰自東郭北抵任

條山磨兒盤室子溝界灘諸水衝決鹽池壁水堰

鎮抵界村防黑龍堰潰決東禁堰在聖惠鎮南

俱在西魏村小李村堰大李村

東南堰俱防中條山一帶諸水

雪巖南十里北流至城

五龍峪

舊自城南分入通渠者穿城

而西會小水入鹽池

州志大水

中官民國圍後湮咸豐初知州張復引小水澗源出白

入城繞文廟及州署然非水澗不通也

龍峪大水澗西三里及湖村澗桃花澗小水澗西二里源出中

穿半岩間春時桃李漫山松柏巖

谷清流琮琤在湖村澗東五里

女鹽池

峪在澗東一里

靜林澗在青龍峪西源中條山巔爾雅

所謂沃泉懸出者也舊志云北流經紅臉溝可溉田餘

流入臨晉洫水灘

今虞鄉縣地

澗東三里有張公泉在山谷

中遇旱以數十老婦執箕帚禱於廟削其泉輒得雨此

二澗泉水與鹽池亦相涉故舊有底張堰以障西水不

使入女鹽池也大澗水之東二里有堡子峪水北流入

鹽池南溝又東金盆水一名小聖溝數潰南禁牆有金

盆堰防之又東有小五龍洞水二即峪水三即峪水背

出中條山陰北趨禁牆有蘆房常平西姚三堰以防之

西姚堰在安邑池南各堰隸州境者有趙家陂堰在城東賀家灣堰在展鄭莊短堰在董家莊龍王堰在盤房村常平堰在常平村桑園堰在曲村池西各堰硝池堰在州西門外爲池西既塞蓋池據高阜受中條諸谷之水水漲則超硝池如建瓴硝池溢則趨鹽池如倒噴矣黃平堰在硝池下游土名黃堰與永安堰相表裏亦洩硝池之水者五龍堰起峪左北抵崇甯宮右暴水時行水從峪出使循西道會靜林青龍諸峪之水流入新河新河下流卽虞鄉之鴉子池也

謹案舊志謂鹽池亦曰鹽澤一名渤溲去水爲解因

以名州蕙嶺之東有海曰鹽澤河流所注唐崔敖曰

海眼通波河源伏脈千里一氣瀦爲廣斥是也呂涇

野亦云鹽池之成以大河北自蒲州折而東南轉回

之間漸漬蓄匯有此奧衍考蒲昌海卽今安西州之

羅布泊古名鹽澤水經注言澤北龍城掘發其下有

大鹽方如巨枕以次相累著頗類今解池之鹽板然

鉅河源甚遠水經注謂河水所潛而出於積石者誤  
依舊聞耳方志乃曲爲附合至以潞潞爲解以證海  
眼之辭尤不足爲據呂氏直指爲河流蓄匯猶爲近  
理也

右鹽池